

德壯果公年譜

德壯果公年譜卷二十二

次孫花沙納恭纂

嘉慶七年壬戌

九月十七日奉

旨特賜額爾登保德楞泰荔枝各三瓶

二十一日

公偕額爾登保吳熊光奏言竊臣額爾登保於初五日發

摺後在興安將各兵勇衣履稍爲添補正擬整隊起行初

六日接據探報有賊匪五六百人驃馬百餘匹由楚竄入

洵白境內查該處西北由黃洋河可出郡城正西可出自

土關隨飭各兵勇四更起行

臣

帶領扎克塔爾並馬步兵

勇由黃洋河紙坊河迎擊扼截該匪竄出平利之路初七

日申刻進抵新鋪灣據前探回報該匪昨夜已竄至四溝

埢早間仍由水田河一帶向東折道等語遂派令副將張

廷楷遊擊王兆龍分帶兵勇由水田河龍王廟追蹤

臣卽

率同扎克塔爾取道白土關進發途次穆克登布前來迎

晤據稱伊在大坪防勦因探聞賊匪竄近已飭派喜明閻

俊烈帶領兵勇由董家梁迎勦並聞總兵孫清元副都統

銜富翰副將呢瑪善分帶官兵由二竹一帶尾追而來該

匪探有官兵已由大神河向東折竄但是何股匪因未得

有生獲之犯尙未探確各等情

臣

查此股竄匪不過五六

百人現派有喜明張廷楷兩路官兵扼截仍酌留穆克登

布暫駐白土關

殊批是

督率緊顧西面

臣

卽於初九日由關墾入

楚至竹谿之中峰觀

臣

吳熊光由房縣前來晤商一切卽

由竹谿移赴泰家坪迎頭策應

臣

德楞泰將熊翠熊方青

股匪在謝家坪白河口疊次痛剿之後該匪所餘不過五六百人已極狼狽由白河灘胡溪向東北狂奔

臣

商令賽

沖阿富汗德蒲尙佐等帶領馬步兵勇二千餘名跟蹤緊

追務窮所向

臣

督同溫春色爾滾馬瑜等帶領大兵由渣

魚河抄截連日途次據前敵探報該匪知有大兵追躡亡

命奔竄刻不停留沿途逃出者甚多已由大旺溝火燒坪
竄入竹谿地界賽沖阿鼓勵兵勇漏夜追逐詎該匪連夜
竄走初八日由吳家灣曾家壩梭子溝有趨白河界內之
勢賽沖阿已帶兵由秦家坪取道抄截臣由寶豐接續而
來於十一日趕抵臣額爾登保軍營當卽會同臣吳熊光
將楚省情形通盤籌畫所有應辦事宜另摺奏

聞並據總兵孫清元稟報連日帶領兵勇由七里關等處晝夜兼
程前進探勦竄往金河一帶賊匪初九日營次王家坪據
差探報稱另有三四百人由吳家灣梭子溝竄來有趨梓
木樹埡之勢孫清元卽催兵倍道兼馳申刻趕抵梓木樹

亞遙見賊匪三百餘人已由柳樹坪直趨而下孫清元當令總管託爾託保協領武成額副將朱士奉等帶領馬隊趕往迎擊復派參將烏勒喜納遊擊姜元祥都司郭朝鳴等分帶兵勇由左右抄截該匪等見官兵分路趕來並不抵拒均情急捨命狂奔經官兵追殺二十餘里沿途槍擊箭射殲斃五十餘名生擒男婦三十二名時已昏暮該匪由武家坡連夜竄逸共計奪獲賊旗八桿長矛一百二十餘件騾馬二十餘匹當卽分賞兵勇並將生獲各犯解送來營臣等隨訊據湯士貴等供稱我們係頭目熊翠帶領前在歸巴一帶老林出來連次被官兵剿殺傷的人很多

連日走白河口到竹谿地方又走吳家灣梭子溝翻梓木
樹埡要想往白河地方尋喫的不想又遇官兵迎頭殺來
等供當飭將從逆日久之夏國俸等十八名正法新近被
裏者十四名釋放仍飭孫清元務須乘此賊匪窮蹙之時
趕緊殲洗卽日掃除總兵吉林泰李天林一路連日由長
峰堆子順水溪探勦初八日師抵茅坪探報賊匪在背夾
子溝學堂溝屯紮相拒我兵不遠當令二更進發初九日
黎明趕至背夾子溝詎該匪已於五更起竄隨卽趕過學
堂溝至白芨坪追及賊尾我兵奮力趕殺該匪卽分兩股
一由朱家溝一由坪渡河逃竄李天林當督步隊兵勇由

朱家溝追殺吉林泰率領侍衛馬隊官兵由坪渡河追殺
兩路競進計殺斃賊匪八九十名生擒七十八名該匪捨
命竄入老林逃遁天晚暫息查訊獲賊有先鋒張有相大
旗手楊正年二名據該犯等供稱我們係戴家營老掌櫃
戴四帶領元帥是崔宗和胡明遠並各處林內湊合打散
零匪共六七百人總在各處老山逃避等語因道遠未便
解送逐加審訊均係從逆日久法無可貸之犯當將張有
相楊正年一併分別凌遲正法訖隨探該匪連夜由上龕
向羊岔河狂竄吉林泰李天林已帶兵緊躡趕勦各等情
稟報前來查刻下楚省賊匪能翠熊方青戴四崔胡以及

王姓鐵姓各餘匪並各處老山分匿之賊約計不過三千
餘人總在各處分股狂奔以冀延喘臣等現已會合惟督
率各路官兵趕緊分投勦辦並據穆克登布報稱接遊擊
洪得稟報初四日有零匪一股自川境小溝竄至小漳河
老林洪得當派人入林搜剿進至黃柏棚正遇該匪竄來當
卽迎擊殲賊數名該匪仍折由光頭山竄入川境現飭令
該遊擊仍行嚴密探訪刻下賊匪均在二竹洵白陘楚邊
界臣等總期共矢和衷早靖餘匪速報歲功臣吳熊光於
發摺後卽起程仍回房縣督運糧餉並分派道府督飭委
員查辦寨勇搜捕招撫並查驗傷病官兵事宜

同日公偕額爾登保吳熊光又奏言臣等會晤之下將現在情形通盤籌畫查楚省賊匪無多現有臣等兩路勁兵分投趕勦再經一兩次痛勦之後大局即可全行戡定以次凱撤惟搜捕三五爲羣之零匪必須本省官兵與地方寨勇協力辦理庶可早報肅清是新設營制事宜尤應先爲趕辦楚省添設襄陽提督移駐穀城前經具奏蒙

聖明俞允所有遴選營員分設營汛添募新兵整飭訓練各事均須提督勵精趕辦方可計日觀成長齡近因積勞之後舊疾復發實難照料昨經據實奏

聞在案臣等查看長齡病體即使加意調攝亦非兩三月所能痊

愈應令前赴襄陽安^心醫治所有湖北提督現關緊要必
得精明諳練之員方足以資整頓臣等公同於兩省總兵
中逐加揀選查有鎮筰鎮總兵富志那年富力強熟悉營
務於辦理新設營制事宜堪期勝任臣等是以不揣冒昧
現擬札調前來署理趕辦但鎮筰鎮亦係苗疆要缺查有
乾州協副將阿林布久在苗地邊氓悅服亦已札行令其
接署以便富志那迅卽前來署理提篆該二員係臣等出
師湖南時素所深知今爲整飭營務謹已權宜辦理伏祈
訓示至楚省塞堡因沿邊一帶客民居多年來均已移徙且深山
邃谷戶鮮蓋藏未能合力築堡如川陝之一律整齊自上

年臣吳熊光接辦以來督飭勸諭漸形周密並分遣委員督率寨勇協同官兵禦賊而未派有大員統率尙不能踴躍從事臣等現已商定查照川陝章程酌派道府分段督

辦以專責成並明立勸懲俾知觀感庶於搜捕零匪更爲有益再刻下賊匪日勦日少一兵如果得一兵之用更可收實效而速歲功現在從征之兵東三省並廣東廣西各隊中因傷病寄留州縣調養者經臣吳熊光查明已有五百餘員名臣等現又通行各路將隨征官兵並各州縣寄留者逐一查明不得力者卽挑出歸集襄陽房縣二處派滿漢官員前往點驗確實分起先行撤回將備之中有老

硃批甚是

病不能勝任者亦卽查明勒休遣發分別奏辦務使人人
精銳以重師旅而節鹽糧又查自鄖白交界之天河口起
至光化縣之老河口止一帶江岸俱係楚省地方從前因
賊匪紛擾恐其竄越江北向係豫省兵勇共六千餘名分
爲八段設卡防守已經數年之久現係河南藩司方維甸
駐紮督率查該處已屬漢江下游江面寬闊卽冬令水涸
之時亦非船莫渡刻下賊匪窮蹙敗賤亦斷不能竄擾應
請將此項防江豫省兵勇酌量裁撤如蒙

俞允俟

命下之日臣等卽行知方維甸將土著鄉勇查明籍貫照臣奏定

章程先行撤令歸農約計鄉勇以次撤遣須得旬月爾時
賊匪更屬無幾卽將官兵全數撤回江岸當不致疎虞亦
且撙節糜費現又札知河南撫臣馬慧裕查明豫省邊界
現在有無鎮將帶兵防堵俟查覆至日另行酌辦

諭曰此次熊戴崔胡股匪經孫清元吉林泰李天林等帶兵追勦
均有斬獲賊勢日益窮蹙額爾登保現又到楚與德楞泰吳熊
光會合更可面籌妥辦此時將屆冬令務須上緊督勦剋日奏
功若稍有遲延轉瞬天寒冰雪凝滑追捕又難爲力勉之望之
又據奏會籌應辦事宜一節楚省現有新設營制須提督經理
長齡旣患病不能照料已明降諭旨令其回京其湖北提督員

缺已令慶成署理矣至奏通行各路將東三省及廣東廣西兵
丁先行撤回等語所見甚是現在大功將次告竣所有遠省調
派兵丁從征日久自應令其早歸原伍竟無庸逐一查驗此內
傷病未愈者固卽撤回卽有調養已愈者亦不必再留楚省所
有東三省廣東廣西兵丁著卽派員帶回歸伍至楚境賊勢窮
蹙漢江一帶不致再有竄擾其防江之豫省兵勇自應裁撤前
已有旨令馬慧裕於田永稠常林二人內派令一人帶兵移至
江岸再將鄉勇以次裁撤並令方維甸回省辦事馬慧裕接奉
諭旨後自己遵照辦理矣

二十九日

公奏言據探報孫清元等原追之賊五六百人係王國賢等餘匪自大神河西折後知官兵分路兜剿連夜狂奔已向安康之牛蹏嶺西逃穆克登布喜明業已帶兵緊躡追勦額爾登保又令格布舍副將張廷楷接續前進額爾登保復恐其蔓延江岸次日亦帶原兵回陝督飭各路官兵勇勦辦因平利一帶官兵並無大員督率商留賽沖阿在於該處扼據防堵仍令富僧德帶領吉林官兵同蒲尙佐等速卽歸營勦辦戴四賊股臣暫候兵力一面飭催各鎮將趕緊辦理熊逆賊匪十五日接據副都統富翰副將呢瑪善稟報十三日早抄出金河適有由偏頭山竄來賊匪二

百餘人當派參領德克精額阿穆昌阿參將王占鼈遊擊
李貴李東宣等分頭直上參領觀德保等繼進槍箭齊發
斃賊三十餘名生擒八名該匪翻山向平定河奔竄富翰
率同協領明安尙安泰遊擊金洪翮等由觀音堂截住西
北之路王占鼈李東宣等緊躡尾追該匪逃至觀音寨地
方知有官兵抄來又向東折追至尖山嶺又殺賊二十餘
名生擒十三名搶獲刀矛共四十餘件騾馬十二匹頭旗
二面訊據獲犯供稱熊翠原想到陝西去被孫大人殺敗
如今要回湖廣老林裏藏躲不想又被官兵殺來等語已
將獲犯王之新等共二十一名旗二面一併解送額爾登

保大營查辦十七日接據吉林泰李天林稟報戴四等逆
由大小西河有走泉河廣龍灘泉溪北竄之勢該鎮已抄
出郭家洲泉河迎截等情查泉溪係竹谿白河兩省交界
該處又通陝境平利縣之八角廟曾家壩等處因思富僧
德蒲尙佐歸營必由白土關東回卽飭其就近由八角廟
自西北向東南探蹤兜截臣於十七日亦督率溫春色爾
滾富登阿馬瑜取道竹谿之漫液遏其西北之路十八日
又據富翰等稟報熊翠餘匪被勦後分爲兩股一起六七
十人走西南之麻柳溝一起百餘人由真福洞南竄孫清
元等取道呂河前進富翰等於十六日趕抵四季溝口探

知該匪藏於山上密林之內馬不能前派觀德保李貴趙先貴棄馬步行分領兵勇抄上該匪見兵卽向南奔富翰等帶馬步兵勇遂由七里關繞出葉家溝口值該匪竄過對面山梁富翰等分頭並進槍箭齊發當斃賊三四十名共生擒活賊二十四名訊據獲犯吳添朋供稱初九日熊翠被官兵勦殺後夜裏帶有一百多人要逃進竹谿南山老林去我們有六七十人要由八角廟轉到南山去會合不料官兵殺來我被拏住總兵陳鳳也被殺了等語搶獲刀矛三十餘件旗二面專差千總劉均將獲犯並旗幟解送到營臣查訊吳添朋等二十名均係積年老賊一概正

法其王德元等四名實係難民照例省釋又據總兵德昌

稟報帶兵在吉陽關一帶堵勦先經臣等札飭令赴陝境

白河之水中溪長池一帶遏截西北之路十六日行次關

廟河探有賊匪百餘人由百子溝竄走西刻追至廖家溝

該匪正在上山卽與副都統銜都當阿督率營總和隆武

參將德興承祿等帶領馬隊先行馳追令都司韓瑛唐盛

高等帶步隊繼進策應直追至花巖河該匪又奔上山頂

憑高抗拒官兵奮力直上槍擊箭射斃賊二十餘名生擒

活賊十三名騾馬七匹頭矛子三十餘件所贖賊匪七八

十人向南遁逃訊據獲犯何作良等供係熊翠帶領之賊

專差解送到營當卽訊明分別辦理查熊翠等兩股賊匪所贖不過百餘人狼狽之極臣飛札德昌都當阿等帶兵

卽行跟追無論陝楚總當窮其所向務盡根株斷不可稍

殊批甚是

留餘孽茲臣於二十日行抵匯灣二十日接據吉林泰

李天林來稟戴四等逆探馬於十八日已至郭家洲知西

面有大兵東來不敢竄陝遂由大小西河翻山折向東南

之駟馬岡瓦桑河一帶現仍帶兵尾躡緊追等語查該逆

等若向東南之湖溪則入房縣興山儻直向南竄王家山

係入川之路豐紳現在四川之大甯徐家壩一帶堵勦臣

卽飛行知照令其探蹤截勦再查富僧德蒲尙佐等帶兵

自八角廟曾家壩向泉溪而來係在賊之左手富翰託爾
託保呢瑪善朱士奉等由葛藤口前進係在賊之右手臣

督率溫春色爾滾富登阿馬瑜等由中路泉河接續吉林

泰李天林之兵繼進似此分投趕辦該逆斷不能久稽顯

戮又查楚省尙有陳姓賊匪四五百人現在巴東之火峰

界嶺一帶遊奕其餘數十人並百餘人者亦不過兩三起

臣兵行臨近卽分兵勦辦又頃據署陝安鎮總兵副將百

祥具報穆克登布喜明帶兵西追於十二日在安康之柴

郎廟左林溝等處截剿賊匪殲擒數十名搶獲騾馬一百

餘匹頭旗幟刀矛數十件賊向西南小道河奔逃十四日

又於紫陽之雙河場痛勦擒斬甚多搶獲騾馬旗幟刀矛
不少餘匪向六道河陡觜子奔竄有入川之勢等語額爾
登保督兵緊躡斷不致蔓延其王國賢一犯是否生死此
番自可得其實在底裏又據候補知州署雲陽縣知縣梁
敦懷稟報八月十五日有張長青賊股入境見招撫告示
遣夥匪王士鳳至人和寨探明告投當經寨首陳世輔等
帶同赴縣又經梁敦懷反復開導賞以銀牌繕給諭帖令
其復回賊營賊眾共知招撫屬實張長青張長生兄弟二
人卽帶領五百餘人來投途次龍洞又遇黃號李學坤等
零匪四五十人張長青亦勸其投順均於二十五日一同

到縣該縣卽解送勒保軍營辦理聞勒保並未留其隨營

當令該縣帶回原籍妥爲安插等情臣現又繕寫簡明告

示徧行曉示以便勦撫兼施又遵查前竄川境賊匪四股

千餘人一起係張長青帶有四百餘人嗣經川省官兵截

剿窮蹙首從餘匪現已率衆投順一起百數十人係臣在

雲霧溪剿辦蒲逆打散餘匪竄至雲陽被達斯呼爾岱副

將羅聲皋勦洗淨盡其由邊界老林竄至大甯太平山內

兩起賊匪姓名人數並現在有無零匪遁入之處均未據

有稟報俟臣查明再爲附奏

諭曰此次熊翠賊匪分股奔竄經孫清元等趕緊追殺連有斬獲

餘匪祇贗百餘人狼狽已極其戴四等逆經吉林泰等追勦折
向東南現仍尾躡緊追此時楚省賊股王國賢餘匪昨據額爾
登保奏經官兵痛剿逼竄入川熊翠股匪亦已至陝省白河口
可見楚境之賊紛紛俱思外竄惟據摺內稱尙有陳姓賊匪四
五百人及戴四等逆所贗無多是否崔胡二逆亦在其中摺內
未經敘及但合計賊匪已不及從前二千之數無難迅就掃除
昨因楚匪竄陝已令額爾登保留陝專辦堵剿事宜所有楚省
賊匪專交德楞泰督辦現在九月將盡該參贊當督飭將領將
楚境各股零匪剋日剿除不得再有稽遲如果境內實已肅清
鄰省亦斷無竄至之賊德楞泰卽遵照昨旨用紅裏黃面奏摺

會同吳熊光馳遞捷音不必三省會商方行奏報如彼時川省
尚有一二未淨零匪德楞泰係成都將軍仍應移師入川協同
捕淨目下功屆垂成惟應以勦爲正辦不可徒事招撫耽延時
日嗣後遇打仗得有斬獲務須將該省所贋賊匪若干於每次
摺內報明毋稍含混

十月初八日

公奏言竊臣前由竹谿之泉河前進將戴四崔胡賊股截
逼折向東南駟馬岡奔逃分飭各路趕緊勦辦臣督率溫
春色爾滾富當阿馬瑜等接續繼進二十三日途次接據
總兵吉林秦李天林稟報帶兵緊躡賊蹤二十日探得該

逆屯於大團包三鼓進發兵行三十餘里天甫黎明抵綑
子坪時微微小雨賊匪遙見官兵追來先行狂奔李天林
督率參將毛秉剛楊安都司張大勳張天仲等各帶兵勇
由大東溝抄出大團包趕上賊尾奮力勦殺立斃賊四十
餘名擒獲活賊朱文光等三十六名正追勦間大雨密霧
咫尺莫辨山勢陡險道路濕滑未能前進訊據獲犯朱文
光等供稱是戴四掌櫃賊股元帥是崔宗和胡明遠兩箇
現在共有五六百人馬驟有五六十匹見湖廣的兵多大
家商量要到陝西去走到郭家洲又有官兵迎來纔折回
想過四川今早望哨的看見有官兵又趕來了就叫眾人

快走不想官兵趕過山來把我就拏住了他們也沒有一
定主意總是打聽沒有兵的地方就去等語訊明朱文光
等十四名均係矛手當卽正法其餘難民黃廷國等二十
二名概行照例省釋旋探餘匪由蝦蟆洞向瓦桑河東逃
仍卽緊跟前追等情二十五日接據副都統富翰託爾託
保副將呢瑪善朱士奉等稟報帶兵由葛藤口右抄二十
三日辰刻抵招風巖探得賊匪由茅古坪走乾溝蕭家坡
有竄雞心嶺之勢富翰託爾託保等卽帶馬步兵勇取道
迎截及至馬髮嶺山頂繞過蕭家坡山梁已截住雞心嶺
之路適有賊探五名當被前敵兵勇殺斃三名生擒一名

尚有一名滾巖而逃遙見賊衆已由蕭家坡而來尙隔深溝一道當卽疾馳趕勦詎賊知官兵抄截先已上南面大山翻過火燒庵山梁官兵直追至簸箕山沿途共殺賊二十餘名生擒十二名餘匪遁入核桃園老山該處石砌橫木馬力難施派令參將王占鼇遊擊李東宣等帶步隊兵勇跟追馬隊仍回原路抄出核桃園沿途又殺賊十餘名擒獲賊匪八名訊明賊探李會林並矛手蘇得貴等十四名正法其難民曾敏中等六名照例省釋等情二十七日又據吉林泰李天林稟報探得該逆由川界折回鑽入白梨樹亞老林有向鐵浴河之勢李天林等卽帶步隊兵勇

入山追勦吉林泰等帶領馬步隊伍由大路前進約於桐
木園會合李天林帶兵突入逆衆一見官兵驟至自將馬
驃截死三十餘匹其餘盡行丟棄鑽入密林四散奔走兵
勇刀矛不能施展祇殺賊十餘名當卽分兵四出在於廟
嶺老虎溝荆竹園王家溝搜勦共獲賊五名查探該逆等
竄向老木孔南逃滾巖跌死者不少共獲刀矛一百餘件
併獲犯亦併押解來營富翰託爾託保等恐其東出土龕
卽帶兵先爲堵擊臣兵抵坪渡河拏獲賊探周大華訊稱
戴四崔胡等逆連日被各路官兵勦殺並沿途渙散外祇
贖三百餘人竄至老林朱家溝一帶屯聚相離不過三四

十里等語臣當派馬瑜副將馬應國參將王玉龍遊擊劉

彪楊登魁等帶領步隊兵勇連夜趕赴東面之太平寨進
勦令溫春富登阿總管蘇清阿副總管珠山副將何君佐

參將馬文斌遊擊汪濤等帶兵勇由西面艾家埢進剿臣

督同色爾滾侍衛慶昌協領德甯阿佐領達什副將達自

祥等由溝底中路自北而南進發三路官兵於五鼓後齊

抵朱家溝腦因雨霧交作賊匪毫不知覺查該處溝底係

傍老山原有百姓草房兩所逆眾屯住於內黎明時三路

兵勇突進刀矛亂殺賊眾登時驚潰當斃賊匪四十餘名

生擒三十餘名搶獲刀矛旗幟衣物極多餘匪盡爬進老

林逃遁其半山尙有草房三處所屯之賊聞官兵勦殺先

已竄入箐林馬力難施

臣

當令馬瑜等帶領各路將備步

隊兵勇入山跟蹤分投搜捕

臣

督同溫春色爾滾富登阿

等將馬步隊分布於林外扼住北面一帶查該處老林絕

無人徑延亘二百餘里東南係上龕彎腰樹舉人坪正東

係木耳溝富翰等現在上龕一帶扼截

臣

飛飭令帶馬隊

前往分投堵剿並令呢瑪善朱士奉等抽出步隊兵勇分

路入林自東南向西北搜捕吉林泰李天林等現在桐木

園一帶相離木耳溝數十里卽令該鎮等帶馬隊前往堵

截抽出步隊兵勇自東向西搜捕飭令到處徧搜務須三

孫批甚是

路會合二十九日馬瑜等解送活賊艾應年等三十二名耳記二十三付三十日馬瑜等又解到活賊劉讓等十九名耳記十八付其富翰吉林泰兩路相距臣百里之外此

時有無搜獲匪犯尙未解到訊據僞總兵李玉國供係襄陽人這戴四掌櫃名叫戴世傑是我師傅他和齊二師傅姚之富起事後來齊二師傅姚之富都被官兵殺了他就另爲一股這幾年在甘肅陝西四川湖北各處擄掠我就做了總兵那崔宗和胡明遠是張漢潮營裏的張漢潮被官兵殺了他們自己做了元帥後來就與戴四掌櫃合了夥如今見各處都是官兵同教的人殺的沒有什麼了太

家害怕祇有進老山裏藏躲等語除將李玉國暫留以便指認獲犯首夥外其劉讓等六十三名或係襄陽教匪或係元二年間戰手均卽分別斬割正法其難民楊國順等十八名照例省釋查楚省賊匪戴四崔胡祇贖一百餘人臣現在分兵搜捕諒亦易於集事其巴東興山一帶尙有陳姓賊股四五百名在彼游奕並熊翠餘匪百餘人此外百十爲羣數十結黨零匪亦不過兩三起約計楚境現有賊匪不過千餘人各處林內或有藏匿零匪未能周悉者不可大意珠批諒亦無幾又查富僧德蒲尙佐臣前令其由曾家壩泉溪扼住左手而來茲戴四等逆業被勦贖無幾已有各路兵

力徧搜足敷勦辦是以臣卽令其取道官渡房縣前赴興山巴東一帶探勦陳姓賊股惟此處林深山大而兵力分布搜捕恐難徧及該逆等或有逃出箐林諒亦不能免脫遠颺臣俟將戴四等逆辦竣卽分兵數路四出搜洗零匪總期全楚迅速戡定仰紓

聖塵至德昌都當阿所追熊翠殘匪百餘人相距已遠此時是否辦竣日來未據稟報臣亦已飛飭嚴催趕緊勦辦矣此次勦賊各路兵勇並無帶傷陣亡之人合併聲明

諭曰戴四崔胡等逆股匪本有五六百人此次經德楞泰分飭吉林泰李天林富翰等連日截勦殲有三百餘人德楞泰復督同

溫春等扼要截擊多有斬獲現在此股賊匪祇贗一百餘人無
難卽日掃除其熊翠餘匪尤屬無多現有德昌等追勦亦易辦
淨惟巴東興山一帶尙有陳姓股匪四五百人爲數稍衆德楞
泰將戴四崔胡等逆悉數殲除後卽應移師巴東興山督率富
僧德蒲尙佐等注定陳逆一股奮力勦擊刻日殲除淨盡此股
賊匪辦竣後其餘百十爲羣者祇有兩三起更可以次搜淨彼
時楚省大局已定川陝更無闖入之賊德楞泰卽可會同吳熊
光用紅裏黃面摺奏報全楚戡定捷音渥膺懋賞至摺內稱各
處林內或有藏匿零匪未能周悉者諒亦無幾等語此則不可
大意湖北鄖宜一帶多係大山老林刻下自無成股之賊在彼

潛藏或有零星散匪十數爲羣遁入其中若不淨絕根株仍恐其復行糾聚德楞泰奏報嚴事後當分派得力鎮將帶領官兵將竹谿竹山房縣興山歸州巴東等處老林以次排搜務須深入林內偏處躡捕實在搜除絕迹方可先撤鄉勇次撤官兵爲一勞永逸之計彼時額爾登保德楞泰再會同川楚陝甘督撫詳議章程每年三省派出提鎮大員於川楚陝交界各老林內定期會哨一二次奏明遵照辦理方爲妥善

十一日

公奏言竊

臣

欽奉

上諭八月二十九日德爾吉行圍德楞泰之子蘇崇阿射麅跪獻

當卽賞穿黃馬褂蘇崇阿甫經挑在乾清門不過循分當差因
念德楞泰在軍營帶兵勤勞懋著是以加恩伊子特諭令知之
德楞泰當倍加感奮等因欽此臣跪誦之下感激悚惶莫可言

喻謹望

闕叩頭謝

恩訖伏念

臣身膺軍旅重任勦辦教匪至今六載未能迅速蕡事

上紓

宵旰焦勞屢荷

聖慈曲賜

優容不加譴責更蒙

懋賞駢蕃循躬省分慙悚交并而臣之子蘇崇阿年輕識淺報效

毫無疊荷

裁成造就

賞給

乾清門頭等侍衛使臣父子咸被

覆載鈞陶捐糜頂踵實不足以答

高厚茲以蘇崇阿扈從

行圍射鹿跪獻卽蒙

格外加恩賞穿黃馬褂

殊榮特錫章服增華爲人臣之罕遇實夢想所難期臣聞

命自

天欣感無地唯有囑令蘇崇阿倍加勤慎當差學習弓馬奮勉巴
結仰副

聖主策勵至意而臣受此奕世

寵榮感奮尤爲倍切亦惟有殫竭犬馬微忱以期同報

主恩於萬一

硃批勉力成功再膺厚賜

十六日

公奏言前據探報零匪百餘人有竄至南溪溝青峰溝之勢查青峰溝入山卽係朱家溝老林當令富登阿副將達

自祥遊擊楊登魁帶兵星夜前赴勦辦該匪先已竄入青峰溝富登阿達自祥楊登魁緊躡賊蹤進山臣卽飛飭馬瑜等就近由油榨溝迎勦夾擊十月初一日接據託爾託保朱士奉稟報二十九日分兵由彎腰樹舉人坪入林搜捕有零匪數十名在彼游奕賊匪見兵先逃殺賊一名生擒十一名滾巖跌死者十餘名餘匪仍散藏於密林之內因雨霧甚大未能徧搜等語初二日又據馬瑜等稟報該鎮帶同副將馬應國遊擊劉虎都司左位等抽撥兵勇迎勦另股賊匪行距油榨溝數里雨霧中遙聞官兵殺喊之聲卽率兵勇分投迎勦與富登阿達自祥楊登魁等前後

夾擊斃賊二十三名生擒牟尚太賴大林等四十三名尙有餘匪數十名乘霧四散匿於密林次日大雪復加徧搜擒獲劉世倫等二十八名林內縊死者三名滾巖跌斃四名凍死者二名割耳記十一副隨將獲犯並耳記刀矛一併解送來營訊據牟尚太等供我是向元帥營裏探馬頭這向元帥名叫向世得原是蕭四掌櫃夥內的他自稱元帥還有一箇總兵黃天祿共有一百十三人這幾年總在這邊界上一帶老山裏藏躲不想官兵殺來向世得是初一日滾巖跌死黃天祿也被殺了等語臣查向世得所帶餘匪一百十三名計先後擒斬並跌斃縊死凍死首從

均已搜勦淨盡其向世得跌斃查係懸巖深溝無從割取
首級所有擒獲此股賊匪牟尙太等七十名內有婦人曹
唐氏劉氏二口又有被擄難民劉裕新等四名訊明卽均
照例省釋其餘牟尙太賴大林等六十四名俱係陳賊一
概正法又據探報房縣之黃柏璫老林內有零匪百餘名
在彼藏匿臣查黃柏璫老林在木耳溝之西距吉林泰李
天林之兵四五十里當飛飭該鎮等酌留兵勇扼據木耳
溝之路抽撥步隊赴彼搜勦初一日據吉林泰李天林稟
報將馬步兵勇酌留木耳溝抽出步隊帶往黃柏璫搜勦
當派參將毛秉剛等由荆竹園老木孔一路派都司張天

仲等由王家腦長嶺岡鍾家嶺一路分投前進旋探有零
賊八九十人果在黃柏端老林草房內藏匿於三十日五
鼓進至該處卽將房屋三間圍住突入刀矛亂殺該逆驚
亂被兵勇等分投勦殺全數撲滅點查殺死賊匪四十三
名生擒周泰學等二十名其餘均被兵勇矛戳滾巖訊據
周泰學楊勝興等供稱係王世虎股內打散的有九十二
人係元帥李發舉管帶因人少不敢出山總在各處林內
藏躲如今李發舉已被官兵亂矛戳死等語當將獲犯周
泰學等並耳記十四副旗矛等件解到大營臣查驗覆訊
無異除將戰手周泰學等十八名正法外其難民田士龍

等二名照例釋放初三日申刻據馬瑜稟報探得戴四崔胡餘匪百餘人乘雪霧瀰漫之際竄至老林東南業已取道跟蹤追躡富翰呢瑪善亦帶馬步兵勇由上龕羊岔河向東面前進臣當又派色爾滾侍衛慶昌協領德甯阿總

管蘇清阿等帶領馬隊接續馬瑜前進臣督率溫春富登

阿託爾託保副將達自祥朱士奉等帶領馬步兵勇繼進

茲於初七日行抵長房河據馬瑜等稟報戴四崔胡賊匪

已向興山老林內橫河一帶奔逃現在四路官兵距賊不

遠俟探明路徑分投趕勦又查富僧德蒲尙佐分帶兵勇

二千餘名已由房縣向興山東南前進一二日內亦可趕

到該處原有陳姓賊匪外尙有零匪二處臣已飭令隨時探明無論何股遇賊卽勦看此光景各路湊合兵威盛壯事機已極順利仰仗

天威如戴四崔胡賊匪卽日得以翦除乘此大兵雲集再將興巴山內所有藏匿零匪趁勢分兵多路徧行搜勦可期迅卽淨盡頃又接准經略額爾登保來信所追竄匪疊被勦殘南竄入川已派穆克發布帶兵緊跟趕勦陝境迤西自可無虞已督兵由輒坪曾家壩取道竹谿之豐溪鎮坪入楚自西北向東南探蹤截勦等因臣查現在戴四崔胡並陳姓賊匪及山內兩起零匪官兵業已分投截勦惟恨此時

各匪恃其人少便捷見兵狂奔總不出深山密箐冀延殘喘如能就地掃除固爲盡善設或散逃臣卽將興巴一帶

所有零匪分布兵勇自東南逼向西北期與額爾登保合

力夾擊一鼓集事約計全楚現有賊匪千人而又勢皆窮

蹙臣等兩面趕勦更易廓清又查德昌都當阿等所追熊

翠等匪百餘人近據栗報蹙被勦殺祇贗數十人折向葛

藤口奔逃臣亦卽飛飭該鎮等務將熊翠熊方青並夥匪

等趕緊勦辦總以根株盡絕爲要再臣近由陝界至川界

經過二竹境內並無一二百成羣之賊但該處一帶在在

老山箐林難保不無三五零匪藏匿亦須兵力搜捕德昌

現辦熊翠零匪不能兼顧臣卽令吉林泰李天林等就近

帶領原兵在於二竹一帶往來梭織徧行搜捕臣惟有與

額爾登保同心協力趕緊將全楚肅清冀卽會合以定大

局

諭曰此次德楞泰派令馬瑜吉林泰等將油榨溝黃柏嶺兩處餘匪分投勦淨其戴四崔胡等逆祇贋百餘人據稱房縣興山一帶原有陳姓賊匪並零匪一起統計全楚現有之賊不滿千人賊勢日益窮蹙德楞泰現在督率鎮將等分路追捕自無難剋日辦淨惟摺內稱訊據獲賊牟尙太等供稱向世得等共有一百十三人這幾年總在邊界上一帶老山躲藏又據獲賊周泰

學等供稱李發舉等帶有九十二人不敢出山總在各處林內藏躲各等語可見此等散匪竟以大山老林爲藏身之固不止向世得李發舉兩起黨搜除未盡難保其不復行糾聚必須辦淨方爲盡善已遲延至七載勿草率於一時是以前降諭旨令德楞泰等於勦捕戴事後派令得力鎮將於二竹興山房縣等處山林內逐一排搜以期剗絕根株勿滋餘孽但各處山林內均有居民村落若不先行曉諭猝令官兵入山查搜未免驚擾德楞泰等當明白出示諭以爾等在山內居住已久各安生業本屬良民連年賊匪被官兵勦急或有一二餘匪逃至山內向爾等捏稱難民懇乞收留爾等一時無從辨識誤行留住亦屬

事所不免現在大功告竣各處賊匪俱已勦辦淨盡其山內藏匿零星之賊自當一律搜除爾等家內如有來路不明知係曾經從賊者卽將該犯密行縛獻斷不治爾等以窩留之罪轉不必心生畏懼代爲容隱如此剗切曉示該處百姓自知前此誤留匪犯自首可以免罪定卽紛紛縛獻於搜捕不無裨益其所派排搜之員必須擇其明白精細者方能經理妥善若令不曉事之人張皇搜索或有意邀功必致擾及無辜轉非緝匪安良之意卽山內居民等一時未及投首經官兵搜獲者亦祇將該犯照律辦理不必究其向來藏匿何處致有株連德楞泰當會同吳熊光遵照妥辦俾全局益臻完善此時已屆冬令轉瞬互

寒現在額爾登保帶兵顧住西北迎勦而來德楞泰自東南逼擊正可將各起餘匪合力夾攻務於十月內悉數殄平馳奏大功戡定捷音渥膺懋賞朕惟計日以待也

十七日

諭曰勒保摺內稱中河一帶新竄入川之賊黃藍線字等號共有千餘人太平等處又有黃姓及不知姓名零匪共六七百人雖係川省邊界未能嚴防但德楞泰本在四川辦賊移師赴楚各股竄匪前由川省竄入湖北茲又從湖北竄回四川德楞泰亦不能無過此時楚省賊匪僅有崔胡戴四股匪百餘人及陳姓一股數百人無難剋日殲除德楞泰辦竣後卽與額爾登保互

相商酌分一人赴川幫同勒保勦辦德楞泰在川有年於該省
情形較熟且係本省將軍或酌令賽沖阿孫清元等留楚防禦
及搜拏零匪德楞泰卽移師入川會勦但勒保不得因有此旨
專候德楞泰來川因人成事總須就現有兵力遇賊卽勦速圖
功

十九日

公奏言竊臣於十一日帶兵行抵顧村河探報戴四崔胡
賊匪由橫河前竄施家溝紙廠溝一帶查該處係老山極
險之處馬力不能前進其南面之茶園河鄭家坪派參將
馬文斌遊擊劉彪楊登魁等帶步隊兵勇前進東西之方

家河牛攔頭派副將馬應國何君佐遊擊楊森北面之八
里坪派參將王占鼇遊擊李東宣西面之涼水坑令馬瑜
副將呢瑪善等均各分帶步隊兵勇兜勦臣督率富翰色

爾滾溫春富登阿託爾託保等帶領馬步兵勇在於林外
分投扼截是夜各路兵勇均已趕抵施家溝紙廠溝探得
該處地勢稍爲平坦有百姓草房數間逆衆散屯於房屋
內外各處號火極多馬瑜呢瑪善帶領兵勇於黎明時由
西面山梁壓下有花翎千總謝金章藍翎千總姜成龍把
總楊和藍翎候補把總魏忠才帶領兵勇首先衝入殺賊
數名擒獲賊匪十餘名當訊獲犯供稱戴四掌櫃趙元帥

在內等語有四川鄉勇葛富張富登時將戴四戮斃四川
鄉勇陳俸生擒趙元帥雲南把總楊和趕上幫同細縛共
殺賊二十二名生擒五十三名餘匪向東面牛攔頭奔逃

硃批好

又被馬應國何君佐等兵勇截住殺賊十一名活捉賊匪

三十六名此股賊匪首從全行殄擒並無一名漏網當查

訊崔胡二逆下落據趙鑑等供崔宗和胡明遠於昨夜各

帶二三十人脫逃不知何往等語隨將戴四首級令趙鑑

並各獲犯指認僉供如一復於戴四身邊搜出逆父戴新

傳教靈文一張臣查驗戴四約二十四五歲白面無鬚右

腮有槍傷疤痕一道與存記年歲面貌相同實係戴四正

身毫無疑義旋據探報崔胡二逆共帶五六十人均無器械昨夜竄出老林向龍洞坡興房界嶺北逃勢極狼狽臣

隨派遊擊李東宣都司龍必達高發榮挑帶趨健兵勇緊

跟追勦務期將首夥全行殲擒斷不可令其遠颺訊據趙

鑑供年五十一歲湖北襄陽縣陳家河人原與戴四的父

親戴新同張漢潮一同起事戴四名叫戴世傑二十四歲

他家傳教已久輩分最大戴新死了衆人就尊他爲老掌

櫃這幾年在河南陝西四川湖北地方殺人放火與官兵

打仗很多張漢潮死後戴四另爲一股封了崔宗和胡明

遠與我三箇做元帥今年夏間又和樊人傑合夥後來四

川的官兵下湖廣來把我們殺敗戴四與我們商量如今
湖北兵多再站不住就帶了五六百人分開各走要過陝
西四川去都被截殺不能過去纔躲到這南山紙廠施家
溝裏崔宗和胡明遠各帶二三十人由老林裏逃走不知
何往戴四見官兵衝進營來無路可逃拚死抵敵當被截
死我被拏住等語計共生擒賊匪趙鑑等八十九名訊出
僞總兵姚有春探馬頭徐玉宗聶祖文俱係襄陽陳賊與
趙鑑一併鬪割示眾其積年戰手郭五張朝雲等六十六
名概行正法被擄未久難民十九名照例釋放臣查趙鑑
一犯去年夥同徐添德等在興房一帶滋擾經臣奏明在

案嗣後查無蹤跡今與戴四同時擒殲該二犯係襄陽同時起事首逆數年來抗拒官兵荼毒數省生靈實爲罪大惡極茲幸仰仗

天威將該二犯一併殲擒洵足以彰

國典而快人心查崔胡二逆祇帶五六十八人北逃窮蹙萬分斷不敢東折臣已派遊擊李東宣等帶兵勇五百名趕勦窮其所向且吉林泰李天林兩路官兵現在竹山之紅坪羅漢洞一帶搜捕零匪正可迎頭殲擒臣飛飭該鎮等探明截勦諒該逆萬難免脫至陳姓賊匪近探尚在巴東火峰界嶺游奕並未遠颺惟又據守備史定川探報興山所

屬之中子洋坪一帶現有賊匪數百人在彼滋擾查中子
洋坪相距大營二百餘里較之巴東稍近臣於拜摺後卽

督率迅勦先行肅清北面再當移師巴東趕緊勦辦陳姓
之賊此次受傷兵勇數名容俟查明另行咨部辦理其戴
四身上搜出逆父戴新傳教靈文一張謹附摺恭呈

御覽再查竹山協副將呢馬善此次同馬瑜等帶兵協勦步行入
山鑽林越箐生擒趙鑑殺斃戴四將全股賊匪擒斬殆盡
屢著勞績誠爲得力之員理合具實奏

聞可否量予獎勵

賞戴花翎之處出自

天恩再此次首先衝入賊巢之花翎千總謝金章藍翎千總姜成
龍實屬奮勉請

賞守備銜遇缺卽補藍翎候補把總魏忠才請以千總卽補雲南
把總楊和懇

恩賞戴藍翎其殲斃戴四之鄉勇葛富張富生擒趙鑑之鄉勇陳
俸除臣於

頒賞銀內各賞給銀一百兩外以上三名懇

恩賞戴藍翎謹一併奏請

訓示

諭曰此次戴四股匪在施家溝紙廠溝逃竄經德楞泰督率將領

四面圍擊探得該匪在民房散屯馬瑜呢瑪善帶領兵勇由西
南山梁壓下斬獲多名並殲斃戴四掌櫃生擒僞元帥趙鑑此
股賊匪首從全行殄擒並無一名漏網德楞泰調度有方著賞
給白玉大吉牌四喜玉搬指黃辦珊瑚豆大小荷包並交部議
敘俟將湖北各匪辦完後再加優賞總兵馬瑜副將呢瑪善帶
兵進剿殲擒賊目亦著交部議敘呢瑪善並賞戴花翎千總謝
金章等均如所請加恩又發去青玉四喜搬指五箇象牙四喜
搬指五箇磁搬指套五箇象牙搬指套五箇花大荷包五對小
荷包十箇著德楞泰分賞出力將弁一兩重銀牌一百面五錢
重銀牌一百面分賞出力兵勇以示鼓勵此時戴四股匪業已

勦盡其崔胡二逆祇帶領五六十人向北竄竄德楞泰已派遊擊李東宣等帶兵趕勦且吉林泰李天林兩路官兵在竹山一帶搜捕零匪正可迎路截擊務將此股殘匪上緊殲除勿留餘孽惟摺內稱興山屬之中子洋坪一帶現有賊匪數百人在彼滋擾此股賊匪是否卽係巴東陳姓夥匪分出抑係另起之賊德楞泰現在督兵先往中子洋坪趕勦此股肅清北面再移師巴東勦辦陳姓如能將兩處賊匪迅速掃除湖北別無成股賊衆德楞泰當遵照昨旨與額爾登保互商將楚省搜緝零匪之事交賽沖阿孫清元等辦理或額爾登保就近兼顧德楞泰卽當統率勝兵入川協勦此時川省賊數增多均由湖北竄往德

楞泰本係成都將軍又係伊在楚未經勦盡之賊自應一手辦
竣務須倍加奮勉於十月內全數蕩平特膺懋賞

恭錄

御製詩

參贊德楞泰奏報生擒僞元帥趙鑑殲斃首逆戴四分兵
趕剿殘孽情形詩以誌慰

七載籌戎未淨塵軒迷不悟憫沈淪喪心邪逆甘罹法傳教靈
文漫護身白蓮教動以靈文煽誘迷惑多人愚罔甘罹重法至死不悟先據德楞泰奏報分兵剿辦戴四雀胡等逆由興山橫河一帶追截茲於十月十一夜趕抵施家溝等處探得逆賊散屯於百姓草房內所派分投扼截各將領兵勇乘勢掩捕有鄉勇葛富等將首逆戴四截斃其僞先鋒趙鑑爲鄉勇陳俸生擒併殄擒首從一百餘名復訊據趙鑑所供戴逆輩分

最大戴逆之父戴新死後卽稱老掌櫃身帶靈文卽戴新所傳
趙鑑與戴四勾燭盜擾最久今已擒戮崔胡二逆所餘二三十
人已派將領兵勇趕勦窮蹙重總由下民罪劫消惟願
其所向亦斷不能遠颺矣孽重總由下民罪劫消惟願

上蒼仁自懸薄德臨寰宇何日能期風俗淳

二十二日

公奏言竊臣昨於十三日督兵向熊莊前進探勦中子洋
坪屯踞之賊途次據副都統富僧德總兵蒲尙佐稟報帶
兵由兩河口已抵興山之豐玉坪等情查該處相距中子
洋坪不過百里係在賊之東面臣卽飛飭令其星夜由鄭
家坪狗兒灘向西北進發十四日臣趕抵熊莊離賊巢六
七十里中隔兩重箐林探報賊匪尙屯該處約有四五百

人是夜二更乘月色發兵

臣

派令馬瑜帶同副將呢瑪善

馬應國何君佐參將馬文斌王占鳌遊擊楊登魁劉彪左

位等帶領兵勇由中央亞翻越老林進剿

臣

督率富翰色

爾滾溫春富登阿託爾託保侍衛慶昌總管蘇清阿協領

德甯阿副總管珠山副將達自祥朱士奉參將烏爾喜訥

遊擊楊森都司劉廷斌等帶馬步兵勇由溝底抄出截殺

十五日辰刻兵抵中子洋坪詎賊已向雙池東竄兩路官

兵疾馳四五十里直至雙池趕上賊匪時已申刻馬瑜同

呢瑪善馬應國何君佐馬文斌等由左手山梁下壓

臣

同富翰色爾滾從右手正路衝擊該匪憑險抗拒兩路兵

勇分投齊進槍箭並發殺賊四十餘名生擒李大典袁馬氏等九十一名搶獲賊旗刀矛馬騾牛隻甚多餘匪敗向平水河沿途紛紛逃散臣隨分兵搜捕富翰色爾滾馬瑜等帶兵緊跟不予以暇適富僧德蒲尙佐副將馬元沈洪參將張應貴遊擊虎正林等由豐玉坪鄭家坪向西迎截來至狗兒灘正值殘匪東逃兜頭截住前後來擊又殺賊五十餘名生擒吳顯倫等七十二名滚巖跌斃及渙散者亦多又搜獲張觀書等二十二名約贖餘匪一百二十三名折向金子山北逃時已天晚計兵馬趕勦已有一百六七十里又係老山箐林之中勢難再進當將獲犯並馬騾

牛隻旗幟器械呈繳前來訊出探馬頭李大典董天文大旗手袁大章周學俊四名均卽斬割戰手王仲英等七十二名一併正法其附近被擄男婦大小難民王化英蔣成虎袁馬氏胡龔氏等一百零九名照例省釋交興山縣妥爲遞籍旋探該逆尙有一百二三十人由金子山向田溪灣西北而逃若無兵趕緊追勦又恐擄脅爲患臣當派託爾託保朱士奉烏爾喜訥帶領原兵一千餘名窮其所向務將餘匪翦滅並令沿途搜捕零匪惟近探陳姓賊股與巫山文武具報賊數多寡不同又由火烽界嶺竄至川楚交界之三灣子一帶該處逼近江岸距臣軍營五百餘里

臣卽督率將領員弁兵勇取道歸州之平陽壩前往趕辦並先行知分駐大甯巫山之豐紳張績預爲嚴防堵截諒

亦易於掃除至崔胡二逆五六十人北逃

臣

前令遊擊李

東宣等帶兵趕追日來未據稟報其熊翠熊方青等遺孽

近接經略額爾登保自曾家壩來信祇贗數十人南竄化

龍山一帶又有馬賊二十餘人竄往豐溪均有入川之勢

業已另派官兵緊躡趕勦令德昌在於竹谿郭家洲一帶

搜捕零匪等語

臣

亦已嚴飭該總兵實力搜勦不任遲延

再臣自陝西迎截崔胡戴四賊股至川境毗連之蕭家坡

所過二竹境內並無一二百成股之賊茲又南至房縣興

山地界祇有向李兩起零匪業經掃盡其青黃兩號四百餘人亦被勦殘詢之富僧德等據稱自竹山之官渡由房縣保康境內西至興山曾經徧查不但無成股之賊亦並無零匪又宜昌府知府金之忠催運糧餉來營據稱南漳保康東湖歸州各屬地方均爲甯謐現在全楚情形大概如此臣惟有督率各路官兵趕緊勦辦

諭曰此次青黃兩號餘匪在中子洋坪屯踞經德楞泰派令馬瑜富翰等分路追擊共擒斬三百餘名祇贖餘匪一百二三十名向西北奔逃現經德楞泰派令託爾託保等帶兵窮追看來此次餘匪狼狽已極自可卽日殲除至陳姓股匪現在竄至川楚

交界之三灣子一帶德楞泰親自督兵取道歸州前往趕勦並知會豐紳張績預爲嚴防堵截想亦不難剋期辦淨此時楚北境內已無成股之賊陳姓股匪又已竄至川省交界地方德楞泰當督飭鎮將卽將此股餘匪就地剿淨或該逆竟竄入川境亦卽緊躡追勦辦竣後即可在川會同勒保將線字黃藍各號餘匪上緊勦除務於十月內外一律蕩平勉成大功

二十四日

公偕額爾登保奏言竊查教匪滋事以來徵調各省官兵爲數不少分撥三省往來勦賊其中有原帶大員陞遷事故輾轉交替並間有人亡卷失情事以致兵數難於卽時

確查其故總因此次勦賊數年逐日奔走兵丁中有受傷患病者除係帶官兵驗明給票赴各州縣調養均經隨時按名分別辦理外其有途次疎患病症既不能隨隊奔走深山僻壤又不及給票赴縣調養其中病愈趕到者固不乏人而落後並無消息者亦屬不少實緣師行無定當兵丁在途患病之時統領鎮將帶兵遄行不能以一二病兵略有遲緩卽該管備弁亦須隨同鎮將前進不及親身稽查多係紮營之後分派目兵轉回尋覓師行迅速落後二日卽隔二三百里落後病兵旣未知存亡而轉回尋覓之目兵亦甚至日久皆無下落或係因病身故或係病愈

趕營中途遇賊戕害或山水陡發猝爲衝斃或距營過遠盤費無措又復滯留他處或因往返趕營落後日久畏懼國法卽行藏匿不敢來營皆所不免帶兵官無從查察因該兵日久未到不敢擔當有以脫逃具報者亦有稱尙在訪查未經報出者并有已報脫逃而該兵丁旋又來營者種種情形不一而足現經凱旋則帶兵官弁處分甚重伏思此次出師較他次迥不相同各官弁之失察逃兵更與管帶不善者有間各官弁數年勤勞辛苦疊蒙

聖恩予以陞階賜以議敘若因此層疊被議則鑄級降職者必多且帶兵官弁陸續更換原帶之員甚少接管之員甚多若

按例概予處分則原帶之員尙屬咎所應得而在接管之員情尤可矜合無仰懇

皇上鴻慈概從寬典其兵丁內有已報逃者俟緝獲時訊明脫逃屬實則將該逃兵按律辦理該管官弁仍行議處其有未經報出名糧虛懸者卽趕緊確查或實無下落或已殘廢不能得力卽免其深究將名糧開除另補額數不致虛懸其軍營專兼管轄之官弁等均請免予查議俾安於整飭營伍以收實效臣等前於會晤時屢曾商籌此事刻下軍務已竣目擊辛苦勞員無知窮卒不得不籲懇

天恩如蒙

俞允俟

命下之日臣等卽行知調兵各省分欽遵辦理

諭曰向來軍營帶兵人員於所轄官兵有脫逃情事處分綦重此次勦辦教匪將屆七年官兵跋涉險阻晝夜奔馳異常辛苦此內私自潛逃者固所不免但亦有因受傷患病以致不能隨隊行走中途落後或傷病身故遇賊戕害皆不可知並有該管之員派兵尋覓而尋覓之兵又因他故久無下落此與實在潛逃者其情迥異若因糧缺虛懸卽以脫逃具報輒將該管員弁照失察逃兵例一律懲治則墨議者多未免漫無區別現在大功將成各路官兵均次第凱旋著額爾登保等詳查各營內無著

兵丁或實係攜帶物件私自潛逃眾證確鑿或拏獲之後審訊
明確無可支飾者自應將該逃兵照例辦理其專管兼轄之員
亦屬咎無可寬均仍交部查議如該兵丁等實係落後有因不
及歸伍查無有意脫逃情節均可無庸深究其該管各員應得
失察處分均著加恩寬免其虛懸名糧卽一面先行募補以資
兵額

十一月初一日

公奏言竊臣於興山之中子洋坪勦除青黃兩處零匪後
移師由歸州西進探剿巴東巫山交界陳姓股匪由興山
之豐玉坪取道歸州之平陽壩趕緊前進沿途分兵四出

徧搜捕並傳詢洞寨民人稟報均無零匪滋擾之事十九日營次巴東之江家坪據報陳姓賊股五百餘人馬驟一百餘匹現屯巫巴界上南山之黃泡池三灣子柳樹坪沿江一帶相距官軍八十餘里查該處南面緊靠大江東卽火峰界嶺北通巫山之三溪河大風口三會鋪西北可出木瓜溪琴樂坪正西係巫山縣城若分兵數路進剿該逆萬難越竄臣先於過歸州平陽壩時因火峰界嶺爲川楚扼要之地必須預爲遏截卽飛飭副都統銜託爾託保協領烏成額副將朱士奉參將烏爾喜訥並調派防白馬灘之副將海麟守備鄧興相等帶領兵勇協同在於火峰

界嶺至江岸之鯿魚溪一帶扼據東面隨令副都統富僧德色爾滾馬瑜蒲尙佐等帶領兵勇初更時卽由三溪河取道關坪上長梁子自東北向西南進勦令副都統富翰

富登阿副將呢瑪善參將王占齧遊擊汪灤金洪翮等帶馬步兵勇繞出木瓜溪琴樂坪自北而南臣督率溫春侍

衛慶昌額外佐領呢克藏阿副將達自祥何君佐參將王

玉龍遊擊楊森郭文魁都司劉廷斌永魁等帶領兵勇由

三溪河前至大風口三會鋪抄截富僧德馬瑜等於二十

日寅刻兵抵長梁子山梁月色如晝離賊巢不遠遂暫齊

兵馬差探前面埢口草房一間內有賊十餘人俱已睡熟

當令兵勇潛伏而進圍住草房將賊匪十一人全行生擒
訊稱陳元帥紮在黃泡池下面瓦屋內等語富僧德色爾
滾同營總蘇清阿珠山協領穆騰額德甯阿等當帶馬隊
由柳樹坪截擊蒲尙佐同副將馬元副將銜沈洪參將馬
文斌遊擊虎正林賀廷印都司高發榮李榮陞等帶步隊
兵勇由三灣子進剿馬瑜同副將馬應國參將張應貴遊
擊楊登魁劉彪余陞都司左位等帶步隊兵勇直取黃泡
池賊巢三路並進探得賊衆屯於屋內亦均睡熟毫不知
覺兵勇隨將房屋一所圍住卽放火焚燒賊衆拚命衝出
被兵勇當門堵住刀矛並舉立殺二十餘人生擒三十七

名燒死十餘名訊出僞總兵李學進一名據供陳元帥住在右手砌下大瓦房內其時天已黎明馬瑜卽親帶兵勇疾馳前往圍剿詎逆衆業已驚覺竟敢前來抵敵兵勇奮力迎勦殺賊三十餘名賊衆呐喊退而復進者數次馬瑜見有一賊身穿醬色氈袍青緞背心手執長矛往來指揮督眾力敵其兇悍情形實堪髮指據獲犯指係陳元帥隨帶領兵勇奮力擒殺有重慶中營兵丁劉泗明衝入賊隊將督戰之賊扭住建昌中營兵丁沈中貴尹文剛輪矛繼進戳傷胸膛左膀將該逆登時生擒賊衆復來搶奪兵勇刀砍矛戳又殺賊三四十名內有僞先鋒羅金堂一名並

生擒首逆陳侍學逆妻李氏僞總兵李學進羅先鋒之子
羅玉兒及夥匪大小男婦馮爾秀張黃氏等一百五十餘
名口搶獲馬驥一百二十九匹頭牛豬三十餘隻鳥槍刀
矛一百六十餘件旗二十一面餘匪分爲兩股一起百餘
人由左手江岸向東奔逃馬瑜同富僧德色爾滾蒲尙佐
等直追至席家坪沿途殲斃四十餘名生擒六十餘名適
有守備鄧興相帶兵勇自鷁魚溪截住殺賊六名生擒八
名此起擒斬無遺一起亦有百餘人走右手貓兒石富家
埣翻雪山大梁北竄賈家溝臣督率溫春慶昌達自祥何
君佐等帶領兵勇由大風口三匯鋪緊追抄截沿途殺賊

二十餘名生擒四十餘名適值富翰富登阿呢瑪善等帶
兵由琴樂坪朝陽觀南來截住賊頭前後夾擊又殺賊十
餘名內殲斃僞總兵何從盛一名生擒二十餘名尙有逸

出餘匪三十餘人向朱家田西逃又被防守巫山一帶之

總兵張績由東坪霸趕到巫山營都司袁陞侯亦帶兵由
殊批好漢坪鋪會同東來悉數殲擒臣復恐有逸出零匪未淨卽

飛飭各路將領趁勢四出搜捕二十一日晚間據各路回
報徧搜無遺旋據陸續將獲犯陳侍學等三百五十六名
口解送到營呈繳羅金堂何從盛首級二顆耳記一百一
十六副訊據陳侍學供年二十四歲四川達縣二郎廟人

又名陳自得嘉慶元年九月間我同徐添德在亭子鋪起事造反過湖北陝西走了幾次去年秋間在竹山地方被官兵追殺得緊我同陳文富帶了一百多人各分小營到了冬月間陳文富得了幾百銀子就單身逃走去了衆人就議我做元帥我又放了兩箇總兵一箇李學進一箇何從盛還有黃號的先鋒羅金堂也帶人合夥又在火峰界嶺一帶山裏收了青黃藍白線字各號賊寇二百多人今年到巴東二塘埡又擄得一二百人共有五百多人我就挑了三百矛手原打算要過四川去不料昨日夜裏官兵幾路殺來殺的拏的都完了這兩箇首級一箇是黃號先

鋒羅金堂一箇是總兵何從盛復訊據李學進供亦相同
訊明後隨派副將達自祥參將張應貴王玉龍遊擊汪灑
等將首逆陳侍學李學進二名並殺人已過十名之積惡
猾賊龍允貴等十一名及戰手張開友等一百三十七名
就近一併押赴巫山縣治人煙轅集之地分別斬割正法
其餘附近川楚難民胡登連袁張氏等二百零六名口均
妥爲遞送安插至此次首先衝入賊羣擒拏首逆之兵丁
劉泗明沈中貴尹文剛三名極爲奮勇可嘉除共賞銀一
百兩外兵丁劉泗明懲

恩賞戴藍翎兵丁沈中貴尹文剛二名懲

恩以把總卽補用昭獎勵查川江自巫山以下巴歸東湖沿江一帶爲厯年來各逆出入之藪不但居民失業而水陸往來

各商民時多被難遂致行旅斷絕茲幸仰仗

天威

皆汝之功衆將士之力實屬可嘉

得以一律肅清洞寨民人聞官兵經過扶老攜幼夾道歡呼

無不感頌

皇仁再查楚境東南兩面現實無賊惟川省賊數較多且大窟巫

山與楚之巴東房縣二竹縣互干數百里犬牙相錯在在

老山箐林難保不無三五成羣零匪遁藏其間

臣於所帶

川兵內抽出馬步兵勇二千名並張績之兵分爲數路令

其在巫山大窟一帶川楚邊界往來搜探設有東西逃竄

之賊無論多少遇之卽剿其火峰界嶺爲川楚門戶

臣暫

駐於彼以爲兩省策應並分派幹練兵勇遠探兩省或有成股之賊竄近隨時督兵勦辦並知照豐紳協同兜截至於楚境雖有零匪約計不過四五百人北面有總兵吉林泰李天林在彼又有經略額爾登保駐兵陝界撥派兵勇搜捕二竹餘孽不日即可全行掃除俟崔胡二逆擒斬楚省大局似可戡定惟楚境界連川陝設川境賊匪被勦情急又有闖入楚者仍須兵力勦洗誠如

聖訓草率竣事更屬不成事體

臣等受

恩深重此時功虧一簣之際惟有竭盡血誠趕緊速辦一俟川楚

兩省所贖零匪無幾卽當報歲仰懇

聖懷

諭曰本日長至月朔適遞到德楞泰六百里捷報據奏將陳姓賊股首夥全數掃除生擒首逆陳侍學僞總兵李學進並殲斃僞先鋒羅金堂僞總兵何從盛等楚境迅卽肅清各情形實爲此月大功必可告成佳兆覽奏欣慰陳侍學係與徐添德一同起事伊父陳芳卽經從逆稔惡已久德楞泰探知該逆在巴巫界上竄聚卽分派將領遏其去路並飭馬瑜富翰等帶領兵勇直取黃泡池賊巢三路並進殲斃賊匪多名將陳侍學及逆妻李氏僞總兵僞先鋒等一併生擒其餘匪分起逃竄又經官兵抄

截殲淨是陳逆一股五百餘人業已悉數勦除並無一名漏網所辦實屬可嘉德楞泰勦辦教匪以來節次擒渠厥功甚偉令又將陳逆勦盡調度有方指日大功告成蹕沛殊恩此次且無庸交部議敘著先賞給德楞泰白玉大葫蘆牌白玉四喜搬指黃辯大小荷包兵馬瑜探知陳逆蹤跡卽親帶兵勇疾馳圍勦督率擒拏實爲奮勇著交部議敘並賞給白玉四喜搬指大小荷包兵丁劉泗明首先衝入賊隊將該逆扭住兵丁沈中貴尹文剛繼進將該逆截傷登時生擒均屬出力劉泗明著以子總卽用並賞戴藍翎沈中貴尹文剛著以把總卽用此外如尙有出力人員並著查明保奏候朕加恩茲先發去玉搬指五箇

洋磁搬指十箇搬指套十箇分賞此次出力員弁又一兩重銀牌二百面五錢重銀牌三百面分賞此次出力兵勇以示獎勵現在楚境崔胡二逆不過五六十人青黃兩號零匪及二竹一帶餘孽合計不過一二百人該省各路勦捕之兵十數倍於賊德楞泰現抽出兵勇二千名並張績之兵分爲數路在巫大邊界迎探遇賊卽勦伊暫駐火峰界嶺策應川楚兩省所辦固是但楚省賊已殘敗剋日可以肅清而川省線字黃藍等號賊數尙多亟應分捕昨已降旨令額爾登保赴川協勦德楞泰係屬參贊川楚軍務俱應通盤籌畫况伊又現任成都將軍川省爲其所轄更應加倍關切計此旨到時楚北零匪將次勦盡德楞

泰卽當帶領勝兵向川進發一面顧住楚境邊界一面探明線
字等號賊蹤與額爾登保三面夾擊以期一鼓嚴事務須儘此
十一月內廓清全局歲績奏功德楞泰即可於臘月到京覲對

後叩謁

裕陵渥承恩眷朕惟計日以待德楞泰不可不勉之又勉也

恭錄

御製詩

參贊德楞泰奏報痛勦陳侍學股匪生擒首逆全夥淨盡

楚境卽可肅清詩以誌慰

餘孽匿巫巴雄兵遏界嶺月夜踏賊巢途窮漫馳騁首夥盡殲

擒將士奮威猛崔

宗和

明遠繼誅夷卽欣清境

巴東興山一帶地在楚省西南

與四川接壤瀕臨大江萬山叢雜實爲逋逃藪澤自賊匪日就誅夷而一二零星鋌走者游魂乞食出沒其間有陳侍學達州人自其十八歲時於嘉慶元年卽隨徐添德在亭子鋪起事往來陝境久在賊中其父陳芳母張妻李俱於金峩寺重石子先後爲官兵所殲徐添德於仁河授首後上年秋該逆爲大軍追勦於竹山縣同陳文富以百人分營嗣陳文富擣賊別竄該逆僞稱元帥妄署李學進何從盛二人爲總兵而以羅金堂爲先鋒金堂舊爲黃號逸賊又於火峰界嶺聚青藍白線等號賊二百餘人本年又於巴東二塘埡脅得二百餘人蟻聚蓬屯總於江岸山中倚爲窟穴德楞泰於上月十六等日向歸州興山搜捕殘孽一路洞寨居民無報擾者十九日抵巴東江家坪探知該逆等全數屯於南山之黃泡池三灣子柳樹坪沿江上下距我軍八十餘里德楞泰相度地勢該處南逼大江東卽火峰界嶺北迤西爲三溪河大風口三匯鋪木瓜溪琴樂坪而西扼以巫山縣城先於火峰界嶺令副都統託爾託保副將海麟遏截江面鮑魚溪以爲搘吭拊背之要遂分兵三路副都統富僧德色爾溪總兵馬瑜等由三溪河進副都統富翰富登阿副將呢瑪善等由木瓜坪進德楞泰自率溫春等由大風口三匯鋪

抄截二十日寅刻抵長梁子月色如晝山前當路草房中賊十
一人正鼾齁際爲我兵全縛訊賊蹤云陳元帥在黃泡池下層
內馬步兵勇鼓勢直前圍屋爇火賊於夢中衝出及門則刀矛
齊舉斬繁無遺而陳逆別在石砌大屋內維時天已黎明賊捨
命前鬪退而復進眾見一賊身衣華服持矛指揮認係渠魁當
有重慶營兵劉泗明衝入扭執建昌營兵沈中貴尹文剛輪矛
繼進刃交於胸及其左臂遂就生擒是役獲渠陳侍學及據其
繼妻李氏總兵李學進先鋒之子羅玉兒等一百五十人賊敗
獸散一沿江東走追及之席家坪戮四十餘人俘六十餘人一
翻雪山大梁北奔追及之三匯鋪戮二十餘人俘四十餘人而
僞總兵何學盛在朝陽觀被誅並俘戮三十餘人又三十餘人
逃至東坪霸漢坪鋪於破碎伙伴中悉行搜拏二十一日薄暮
落日大旗營門報級此股賊實殄滅無遺種其陳侍學以下搜
有僞職及積惡曾殺十人以上者俱押赴巫山縣治梟磔救出
難民男婦三百三十五名口分遞安置叢事最爲完善巴庸歸
巫之境古稱荒蕪而大江流其中轉輸貫注血脉所通詩所謂
南國之紀也自賊滋事以來枝沱別澗深箐密樾踞伏突出居
農失其耒耜商賈戒於檣驅七年於茲始得洞寨安堵懋遷帖
席大軍所過夾道歡呼余不以賊盡爲夸而以民安爲樂計楚
省東南兩面全清其二竹餘距現俟經略搜捕川省殘孽亦已

無多本日正十一月朔捷奏適來劫盡陽生
仰祝昊覩昭明耆功綏定南郊展祀肅叩天開福運惟
實深欽謝移師掃蜀氛殘邪難再逞指日三省安衷感

天恩永

初七日

諭曰此次黃藍線字等號分作兩股竄走有入川之勢經達勒精
阿武隆阿等躡蹤追勦該匪等聞西鄉有經略派兵搜捕不敢
深入陝境仍行折回復經達勒精阿等連次勦殺多有斬獲尙
有餘匪七八百人勒保現飭達斯呼爾岱幫同勦辦其餘或四
五百人或三百餘人或二百餘人或百餘人均在川省分竄以
目下情形而論陝楚零匪均屬無多賊股俱聚於川境統計尙

有二千餘人前次賊匪攢聚楚省之時大兵四處兜勦原冀在
楚歲功今散匪均竄入川即可在川境辦竣斷不可又任其折
竄陝楚至刻下天氣漸寒額爾登保德楞泰勒保帶兵打仗不
避風雪朕心甚爲塵念除額爾登保昨已賞給貂皮馬褂外茲
又發去二件賞給德楞泰勒保用獎勤勞伊三人惟當勉之又
勉於迅速之中辦理盡善貯盼喜音卽至

初九日

公奏言竊臣昨將巴巫界上屯踞江岸之陳侍學首夥賊
匪一鼓掃除具奏後維時全楚賊勢雖不過四五百人似
可戡定第恐老山密林之中兵行未到之處不無散藏遺

孽而川省賊匪設有被勦窮蹙闖入楚省勢所不免再四

思維惟有先將楚省各兵分派入山再爲細加排搜臣統

原兵入川將各股零匪協力趕勦淨盡俾大局一齊告成

均無後患方爲妥善故派副都統銜託爾託保副將朱士

奉等帶兵入山由長峰堆子自南而北向房縣二竹一帶

老林排搜令副都統富翰副將呢瑪善等帶兵自西而東

前赴巴東歸州興山界上各山內外徧行搜捕其吉林泰

李天林德昌等三路官兵盡在二竹一帶分投搜勦至於

川省如大甯巫山邊界之馬塘黃草坪八石坪陰條嶺尙

有零匪出沒臣派令防堵楊溪河之總兵張續將兵分爲

兩路入山在於川楚界上徧搜二十八日據遊擊李東宣
姜元祥都司龍必達等稟報跟躡崔胡賊蹤沿途緊追陸
續擒斬並渙散外祇臘二三十人鑽林越箐日夜狂奔十
六日行抵興山之長房河突遇另起零匪八九十人當帶
兵勇趕追二十餘里沿途殺賊十六名生擒二十名餘匪
遁入菌扒老林訊係臣前在中子洋坪勦散孫劉二逆餘
黨旋又探得羊兒山亦有零匪五六十人屯踞十八日李
東宣姜元祥等分帶兵勇星夜前往埋伏是夜五更兵勇
齊至羊兒山將房屋圍住立殺賊十八名生擒十五名訊
係各號聚集餘匪並無首逆在內除難民二十四名就近

解交興山縣遞送回籍外獲犯十一名押解來營

臣查訊

係積年戰手一併正法仍飭李東宣等務將崔胡二逆趕緊殲除其孫劉餘黨札飭副都統銜託爾託保副將朱士奉等就近勦辦

臣

於十月二十七日卽督率色爾滾富僧

德富登阿馬瑜蒲尙佐等帶領兵勇由巫山取道大甯自南而北將大甯太平山內零匪分兵排搜仍一面探蹤迎勦黃藍線號各逆自可迅速嚴功

諭曰據奏分兵排搜楚境餘孽及督兵入川趕辦各匪正與朕意相合欣慰之至前因德楞泰勦淨陳姓股匪後暫駐火峰界嶺策應川楚兩省當卽降旨令其帶領勝兵赴川東勦辦竄匪德

楞泰未奉此旨之前於十月二十七日卽督率色爾滾等帶領
兵勇由巫山取道大甯入川自南而北將大甯太平山內零匪
分兵排搜所辦甚合機宜本日勒保奏川東黃號零匪及不知
姓名賊股共有七百餘人經羅思舉等奮力追擊將首逆唐明
萬生擒獲加殲戮所賸祇有四百餘人德楞泰帶兵赴川正可
督率羅思舉等一鼓殄滅前此川省各股零匪共有二千餘人
除此次羅思舉等擒斬三百餘人外合計不過一千數百人額
爾登保帶兵先由紫陽赴太平一帶協勦自應與勒保先行會
合德楞泰又帶兵踵至伊等協力同心三面合擊兵威壯盛務
須將黃藍線字等號餘匪悉數殄除勿留餘孽斷不可令川省

之賊復行折竄入楚德楞泰總當顧住楚省向川進壓爲要此時川省賊匪被官兵逼勦勢已萬分窮蹙德楞泰於追捕緊急之中量爲招撫如果有臨陣投出者即可照張長青之例免死安插使賊匪知有一線生路相率來投多投出一名卽少誅戮一名俟川省全境肅清更無成股之賊並接到吳熊光惠齡兩路餘匪淨盡知會卽會同額爾登保勒保聯銜馳遞紅裏黃面奏摺仍須將大山老林內潛匿零匪搜捕無遺不可稍有草率現距

南郊大祀尙有兩旬德楞泰務當與額爾登保勒保迅速趕辦於冬至前奏到大喜捷音同膺懋賞

二十日

公奏言竊臣前將楚省官兵分布搜捕卽督兵由巫山入川探勦黃藍線號股匪初六日接准豐紳報稱十月二十七日探報有賊匪三百多人執打紅藍白旗馬二十餘匹在陝境邊界大小峪河平頂溪一帶有東竄之勢當派守備葛天培帶兵前往雞心嶺幫同遊擊晉之連堵截豐紳於是夜五鼓帶領遊擊鄆海慶等馬步兵丁四百餘名由廟埡子二郎壩錫杖溪一帶前往截擊二更後葛天培同把總張爾昭帶兵二百名由獅子坪白巖寨直進晉之連同千總穆廷彪帶兵二百名由五里埡箐林口前往兩路

衝殺當斃賊匪二十三名逆衆紛紛逃竄生擒賊匪七名指認殺斃僞總兵彭萬一名二十九日早探得該逆仍折回大小峪河一帶豐紳率兵跟追至大莊溪因距卡已遠遂令鄖海慶等竭力窮追初二日至小峪河適有防守陝西鎮坪之副都統格布舍總兵喜明等派來遊擊璩家驥都司張起鼇帶領兵勇接勦向亢河跟追前去鄖海慶等仍回川界原卡堵禦此股賊匪訊係王國賢餘黨旋入太平山內又據副都統富僧德總兵蒲尚佐稟報探得大甯老山內有零星散匪或十數人或二三十人日藏夜出摸樁掠食蹤跡無定初二日在上下田羊耳山分兵搜捕殺

賊十三名生擒李世貴等六名初三日在叢木嶺椒山地
方搜捕殺賊十五名生擒楊士橫等三名初四日在王道
河搜捕殺賊八名生擒馬正富等十四名初五日在晏家
井半山搜捕斃賊十數名生擒何朝林等五名先後獲犯
除附近難民劉全美等五名照例省釋外其餘一併解送
來營臣 訊明均係各股勦散零匪無首逆頭目在內卽一
概正法初十日臣 抵涂家壩有臣 前在湖北派往跟勦崔
胡逆匪之藍翎把總蘇玉龍藍翎軍功楊昌太押解獲犯
來營稟稱遊擊李東宣都司龍必達等奉派帶領兵勇跟
追崔胡二逆股匪由房縣之白鬚子巖一帶老林緊跟追

勦至下流水地方殺賊三名生擒王元貴等六名訊據王元貴等供稱我們同夥祇有二十多人見官兵緊跟害怕得很崔宗和說要到五當山出家去昨日胡明遠趕來崔宗和就不見了那胡明遠見崔宗和不來也就單身脫逃不知去向我們躲在老林被拏等語十六日至長房河探得附近之橫河一帶有零匪七八十人卽發兵往勦殺賊數名生擒賊匪二十六名訊係臣前在中子洋坪勦殺孫

劉二逆夥匪探得尙有四五十人向羊耳山逃遁屯於草房之內兵勇前往勦殺生擒劉么兒等十九名殺斃六名所贖餘匪向老林逃遁現有湖北都司麻光裕並經略額

爾登保派出藍翎把總顧應全跟追前去其都司龍必達等跟追崔胡二逆由向家壩相思溝追至長嶺老林斃賊數名生擒賊匪何三等七名適豐紳派搜零匪之躡海慶

帶兵由菜子壩而來前後夾擊又共殺賊十餘名生擒徐保兒等十三名現將前後獲賊押解到營訊明分別辦理

臣恐崔胡二逆或隻身逃逸或潛伏密林一面已知會吳

熊光飭屬嚴緝諒難遠颺又據分駐楊溪河之總兵張績

並巫山縣文武稟報川楚邊界老山內馬塘地方有賊匪

百餘人已派遊擊畢萬年等前往趕勦臣復添派副都統

銜富登阿副將馬應國何君佐參將張應貴等取道通城

由老林自北而南向馬塘截勦又據巫山縣文武稟報有
賊匪七八十名自東而來竄至龍泉寺一帶張績同遊擊
馬明德等帶兵二百名前往迎勦豐紳聞報亦已酌帶兵
勇向楊溪河而來查邊界山內零匪臣前經分派數路官
兵四路搜捕刻下零匪漸次併合自應令其自東截向西
來先清楚境現接勒保來信內稱唐明萬等餘匪現贖三
百餘人開縣有賊匪兩起一起三百餘人一起二百餘人
至黃藍線字號賊匪祇贖千人均經派兵追勦又參將桂
涵在忠州地方將張慶餘匪一百餘名辦竣此外如萬縣
梁山合州江北長壽等處零匪均係十餘人或數十人臣

籌酌全川賊勢日漸減少祇有黃藍線字號並馬家營兩起稍多查副都統富僧德總兵蒲尚佐等現在大甯山內搜捕臣擬卽督兵於老林沿邊一帶取道雲陽開縣進發

設山內之賊亦出西南可以隨時勦辦仍一面偵探黃藍線字號並馬家營兩起賊蹤期於前後夾擊一鼓集事至於巴巫大三處邊界臣已面囑豐紳張績嚴密搜捕臣卽行西進趕緊協勦冀大局迅速戡定

諭曰此次豐紳富僧德等搜勦各股零匪均有斬獲內惟王國賢餘黨據稱共有三百餘人經豐紳派令將領兩路進勦殺戮十三人生擒七名餘匪俱遁入太平山內此股賊匪必須上累

辦盡不可任其潛匿現在楚省崔胡餘匪業已勦散祇賸二十
餘人其崔中和胡明遠二犯均隻身逃竄已令吳熊光另派委
員密往武當山一帶查拏或即可在彼擒獲此外亦更無成股
賊匪其川境唐明萬等餘匪現賸二百餘人開縣一帶有不知
姓名兩起賊匪共五百餘人至黃藍線字等號賊匪昨據額爾
登保勒保奏迭次勦殺祇賸四百餘人是統計川省各股零匪
不過一千餘人德楞泰現在督兵於老林沿邊一帶取道雲陽
由東向西進發務將經過川東地方所有零星散竄之賊逐處
搜捕淨盡然後趕赴川北與額爾登保勒保等會合搜剿奏報
大功總於迅速之中力求妥善毋得草率完事爲要